



BOSNIA AND HERZEGOVINA
MINISTRY OF FINANCE
AND TREASURY

Broj: 05-02-2-7382-1/21
Sarajevo, 29.09.2021. godine

SVIM BUDŽETSKIM KORISNICIMA

Predmet: Instrukcija za sačinjavanje operativnih/dinamičkih planova budžetkih korisnika u skladu sa Odlukom o privremenom finansiranju institucija BiH i međunarodnih obaveza BiH za period oktobar - decembar 2021. godine

Na osnovu člana 11. Zakona o finansiranju institucija Bosne i Hercegovine („Službeni glasnik BiH“, br. 61/04, 49/09, 42/12, 87/12 i 32/13), Vijeće ministara Bosne i Hercegovine, na 58. izvanrednoj (telefonskoj) sjednici održanoj 28.09.2021. godine, donijelo je Odluku o privremenom finansiranju institucija BiH i međunarodnih obaveza BiH za period oktobar - decembar 2021. godine.

U skladu sa navedenom Odlukom, a u cilju održavanja budžetske ravnoteže, svi su budžetski korisnici dužni Ministarstvu finansija i trezora BiH **najkasnije do 07.10.2021. godine** podnijeti prijedloge operativnih/dinamičkih planova za oktobar, novembar i decembar 2021. godine za tekuće rashode (bez programa posebnih namjena finansiranih iz namjenskih sredstava i kapitalnih izdataka). Ukupan iznos operativnih budžeta za četvrti kvartal 2021. godine ne može biti veći od 1/4 sredstava usvojenih u Zakonu o budžetu institucija BiH i međunarodnih obaveza BiH za 2020. godinu („Službeni glasnik BiH“, broj 46/20). **Obavezuju se korisnici da rasporede rashode po prioritetima izvršenja, s tim da će Ministarstvo finansija i trezora BiH, s obzirom na ograničenost priliva prihoda, izvršiti raspored rashoda u skladu sa prioritetima izvršenja definisanim u članu 18. Zakona o finansiranju institucija BiH („Službeni glasnik BiH“, br. 61/04, 49/09, 42/12, 87/12 i 32/13).**

Budžetski korisnici ne mogu započinjati nove ili proširene programe i aktivnosti dok se ne odobre u Budžetu institucija BiH za 2021. godinu.

Dinamičke planove (tabele) popuniti u skladu sa „Instrukcijom o načinu izrade operativnih planova za izvršenje Budžeta institucija BiH za 2020. godinu i o načinu praćenja programa posebnih namjena“ (www.mft.gov.ba).

Obavezuju se budžetski korisnici da prilikom popunjavanja analitičkih kategorija vode računa o ograničenjima u skladu sa Pravilnikom o korištenju telefona („Službeni glasnik BiH“, br. 26/14, 81/14, 78/15, 37/17, 53/17, 62/17, 34/19, 56/19 i 72/19), Pravilnikom o korištenju

sredstava za reprezentaciju („Službeni glasnik BiH“, br. 26/14, 78/15, 53/17 i 62/17) i Pravilnikom o uslovima nabavke i načinu korištenja službenih vozila u institucijama Bosne i Hercegovine („Službeni glasnik BiH“, br. 26/14, 81/14, 78/15, 42/17, 53/17, 62/17, 34/18, 5/19, 81/19 i 80/20).

Dinamičke planove za Programe posebnih namjena finansiranih iz sredstava donacija i namjenskih sredstava, potrebno je posebno iskazivati i rashode rasporediti po ekonomskim kategorijama, koje će budžetski korisnici dostavljati uz zahtjeve za alokaciju nakon ostvarenih priliva u toku 2021. godine. U skladu sa članom 14. Zakona o finansiranju institucija BiH, nerealizovani programi posebnih namjena finansirani iz namjenskih sredstava i nerealizovana sredstva na ime višegodišnjih kapitalnih projekata prenesenih u 2021. godinu, finansiraće se do iznosa prenesenih, a neutrošenih namjenskih sredstava.

Izvršenje Budžeta institucija BiH u dijelu rashoda operativno će se usklađivati s dinamikom ostvarenja prihoda predviđenih Budžetom.

U skladu sa „Instrukcijom za prestrukturisanje rashoda budžetskih korisnika za 2020. godinu“ br. 05-02-2-5528-2/20 (www.mft.gov.ba), budžetski korisnici, kojima za realizovanje rashoda bude neophodno prestrukturisanje istih, mogu podnijeti zahtjev za prestrukturisanje rashoda unutar pozicija iz usvojenog Zakona o budžetu institucija BiH i međunarodnih obaveza BiH za 2020. godinu. Ukoliko do kraja godine bude usvojen Zakon o budžetu institucija BiH i međunarodnih obaveza BiH za 2021. godinu, donesene odluke o prestrukturisanju rashoda budžetskih korisnika biće izmjenjene u skladu sa istim.

Obavezuju se budžetski korisnici da uz zahtjev dostave CD sa skeniranim potpisanim i ovjerenim tabelama operativnog plana za period X - XII 2021. godine i obrazloženjima istog.

S poštovanjem,

PRILOG:
Tabele 1 – 4

MINISTAR

Vjekoslav Bevanda, s.r.